

Pigga Keskitalo, Ánte Mihkkal Gaup, Sanna Vuomajoki, Johanna Johansen Ijäs ja Nils Oskal,
Sámi allaskuvla

Oahpaheaddjeoahpuid studeanttat dutkin: muitalanárbevierru dutkanmetodan mánáidgárddis ja skuvllas

Sámi oahpaheaddjeoahpuid masterprográmmat (1–7 ja 5–10) deattuhit studeanttaid dutkangelbbolašvuoda ovdánahttima oahpu áigge. Dákkár gealbu galggašii boahit ávkin sámi mánáidgárddiide ja skuvllaide dasgo boahhtevaš oahpaheddjiid dutkanvuđot oahppu lámhá vuodu mánáidgárde- ja skuvlaovdánahttimii.

Sámi allaskuvlla mánggadiedalaš dutkanprošeakta *Epistemalaš modalitehta máná ehtalaš ja morálalaš árvoštallamis*, maid Norgga dutkanráđđi ruhtada, lea ovdamearka das mot dutkit, studeanttat, mánáidgárddit ja skuvllat ovttasbarget dutkamiin. Prošeavttas guorahallat mánáidgárde- ja skuvlamánáid giela ja ehtalaš ja morálalaš jurddašeami. Ulbmil lea čielggadit mot mánát dulkojit ja árvoštallet ehtalaš ja morálalaš čuolmmaid ja mot dulkomiid ja árvoštallamiid sihkarvuolta, eahpesihkarvuolta ja vejolašvuolta bohtet ovdan mánáid gielas. Ulbmil lea maid hukset ipmárdusa ja gelbbolašvuoda das mot mánáidgárddis ja skuvllas sáhtá mánáiguin hupmat ehtalaš ja morálalaš áššiid birra, ja mot muitalanárbevieru sáhtá atnit dán barggus.

Dutkamuša materiála čoaggit mánáidgárddiin ja skuvllain nu ahte sámi oahpaheaddjeoahpuid masterprográmma studeanttat muitalit mánáide muitalusaid main leat ehtalaš čuolmmat ja ságastallet mañnel singuin muitalusaid birra. Studeanttat leat ráhkkanan materiála čoaggimii nu ahte sii leat ovttas prošeavtta dutkiiguin oahpásnuvvan sihke sámi muitalanárbevirrui obbalaččat ja earenoamážit daidda muitalusaide mat adnojuvvojit materiála čoaggimis. Sii leat maid ságastallan makkár áššiid berre váldit vuhtii vai nagoda hukset oadjebas dutkandili mánáiguin. Dasa lassin leat studeanttat oahpásnuvvan dutkanprošeavtta duogášgažaldagaide: mot giellaávdnasiiguin sáhtá dovddahit sihkarvuoda, eahpesihkarvuoda ja vejolašvuoda, ja makkár ehtalaš bealit leat sihkarvuodas ja eahpesihkarvuodas.

Sáhkavuorus mii geahčadit makkár ávki studeanttaide lea oassálastit dutkanprošektii. Geahčadit maid mot muitalanárbevieru lea vejolaš atnit dutkanmateriála čoagginmetodan go dutkan čađahuvvo mánáidgárddis ja skuvllas.